

HARANGVE

FAICTE PAR LA

Noblesse de Champagne

& de Brie,

*Inseree en ces Cayers, Et presentee
à sa Majesté.*

M. D C. X V.

THE NEW YORK
LIBRARY

ALICE T. PARIA

Mobilier de Champs-Élysées

6238 de Brie

1615 h
Inventaire des objets
à la vente

M. D. C. X.

HARANGVE, FAICTE

*par la Noblesse de Champagne
& Brie inseree en ses cayers, &
presentee à sa Maiesté.*



SIRE,

Auec autant de submis-
sion & d'humilité qu'un
fidele subject scauroit rendre à son
Roy, auquel est empreinte la mar-
que de diuinité, & auec vne affection
non moins grande & respectueuse
que d'un fils obeissant en la presence
d'un bon & charitable pere. La
Noblesse de vos Prouinces de
Champagne & de Brie, prosternee
à vos pieds, Supplie tres-humblemēt
vostre Majesté de prester l'oreille de
vostre clemence ordinaire aux vœux

A ij

qu'elle contribuë avec vne particuliere affection pour vostre grâdeur, repos & prosperité; & encores pour escouter les protestations qu'elle faict sur les autels sacrez & sur les trophées consacrez à vostre Majesté de sa fidelité, candeur, & sincerité, avec laquelle elle veut viure & desirer mourir pour vostre seruice: obeissant à vostre voix puissante & maiestueuse, au son de laquelle elle est accouruë pour escouter vos oracles, & prendre de vostre bouche les loix qu'il vous plaira luy dicter, qu'elle grauera avec la poincte de diamant sur la table de son cœur, avec des caracteres si visibles & immortels, que la posterité cognoistra cōbien vous auez esté heureux en la possession de vostre sceptre, absolu en l'establissement de vos volontez, & fort en l'obeissance de vos tres-humbles, &

tres-fideles fubicets.

Nous voicy donc deuant ce thron
ne esclattant de viue lumiere, esleué
sur les colonnes de iustice, & de pie-
té: dans lequel paroist vostre Maie-
sté, non auec le foudre à la main ar-
mé d'esclairs, & ceint de turbillons,
mais entouré de rayons gracieux qui
attirent vos peuples & conuient les
estrangers à venir admirer vostre
douce grauité, qui promet mille
heureuses influéces à ce iour auquel
il vous a pleu monter au moment de
l'horizon de vostre Maiorité, dans le
ciel de vostre puissance, pour redon-
ner vne nouuelle forme à ce Royau-
me si chery de Dieu, & gardé auec
vn soing tant extraordinaire par la
main de son Ange tutelaire, pour
estre mis entre les vostres, comme le
plus riche ioyau de la Chrestienté,
laquelle voyant & benissant l'action

que vous allez faire, confessera franchement avec beaucoup de ressentiment de joye, que vous auez succedé aussi bien aux vertus & prerogatiues d'un grand & invincible pere, comme au grand cœur, grand bon-heur, & au grand & riche royaume que vous possédez. Et que lon vous peut dire avec verité, digne fils d'un grand & digne pere, digne d'avoir l'aissé, avant que s'aller loger parmi les esprits bien-heureux, un si grand, si bon, & digne fils.

Il est bien necessaire, Sire, que pour faire voir la gloire d'une entreprise que vous auez commencee, & luy donner le cercle de perfection que les ames vraiment Françoises luy souhaitent avec des desirs bien ardents, vous ayez ceste vertu paternelle, transfuse dès le berceau, & cette grace qui surpasse celle qu'on

voit reluire ordinairement aux ames
 des autres Monarques, pour grâds,
 sages, & magnanimes qu'ils soient.
 Mais aussi avec ceste grace, que
 l'heur accoste tousiours, & que la
 grandeur de courage accompagne
 partout, vous ferez des actes cele-
 bres qui sentiront l'odeur de ce baul-
 me precieux, que nous appellons
 faueur celeste, & se rapporteront
 particulierement à l'air de ceste be-
 nediction, qui s'est faict visiblement
 cognoistre en tous les euenemens
 de la vie de vostre geniteur, de qui
 vous l'avez receu en partage, & que
 vous ferez heureusement esclatter
 parmy le nuage des confusions qui
 se sont insensiblement glissez dans
 ce grand corps, duquel vous estes le
 chef glorieux, l'ame & l'esprit viui-
 fiant. Avec cela vous dissiperez l'air
 pestilentieux qui altere sa nature,

redonnerez le temperament de sa
 pristine & premiere santé, cauferez
 l'harmonie parmy le discord, & ap-
 porterez l'ordre au milieu du desor-
 dre mesme. Ainsi que ces diuinitéz
 que l'antiquité nous recommande,
 pour auoir faict paroistre leur puis-
 sance en deueloppant du tas de la
 conscience les choses qui auoient
 esté crees confusément & leur par-
 faicte sagesse, en donnant à chacun
 d'eux selon qu'il estoit necessaire, sa
 forme, son estre, & sa situation.

Et encores que les corps bien
 composez ne sentent si tost la lime
 du temps, & la corruption que la vi-
 cissitude des choses, & la suite des
 ans apporte à tout ce qu'on voit icy
 bas : toutesfois ils ne peuuent euer
 le coup de quelque mutation qui
 suit le train des siecles; & rapportent
 les naturalistes ainsi que les histo-
 riens,

riens: que s'il s'y trouuoit vn corps
 soit Monarchique ou autre qui ne
 peut estre alteré par des choses exte-
 rieures & contraires, encores se de-
 struiroit-il soy mesme, tant la nature
 se plaist en la vicissitude & au chan-
 gement. Celuy de vostre Monar-
 chie, Sire, a ceste gloire d'auoir plus
 percisté en sa duree, & auoir moins
 senty d'alteration que nul autre
 Estat, Empire, ny Royaume: tant
 pour estre composé avec vne cym-
 metrye plus excellente, que pour
 auoir des qualitez plus repugnantes
 à la corruption: ainsi que l'on rap-
 porte de l'or & de l'argent, qui sont
 moins corruptibles que tous autres
 metaux: & encores qu'il soit moins
 corruptible pour le bon ordre causé
 par la parfaicte forme de gouuerner
 que vos predecesseurs luy ont esta-
 blie, & de laquelle ils se sont de si

long temps seruié. Il sy trouue maintenant quelque disproportion & dissonance, pour n'auoir esté les ressorts premiers, & principales cordes maintenuës & tenduës, avec le mesme soin qui auoit esté iustement prescrit, & sainctement ordonné par vos majeurs. L'honneur, comme le soin d'un establissement & de ce nouuel ordre, vous a esté reserué par le Ciel, afin que par là l'on tire des augures certains & pronostiques veritables, que les annees de vostre regne seront composees de iours remplis de miracles, & qui veritablement les Heures filles du Ciel, nous ont ramené ce tant aymable siecle, où les palmes & les lauriers doiuent croistre heureusement entre les Lys que vostre France chérit, & sur lesquels elle verse vn nombre infiny de mille & mille benedictiōs.

Ceux qui nous ont deuancés, & desquels les os sont tousiours reclus dans le tombeau, ont tant de fois souhaitté de voir ce que nous voyons maintenāt, & soupiré si ardemment apres la reformation que le bon genie de la France a suscité, & voulu permettre seulémēt au temps auquel il a iugé que vous pouuiez heureusemēt manier vostre Sceptre, & tenir d'une main ferme les resnes de vostre Empire. Nous auons donc ce contentement & cest aduantage sur nos peres, nos peres (dy-ie) qui ont versé si librement & courageusement leur sang pour s'opposer aux obstacles qui menaçoient leur chere patrie de perte & naufrage que nous auons fidelement accompagné parmy l'horreur & l'effroy, fuyuant cette ame inuincible du grand Henry, qui triomphe à cette heure au ciel,

apres auoir esleué à la honte de ses
 ennemis des trophéz glorieux en
 terre. Nos peres qui apres tant de
 perilleux trauaux ne pouuoient tou-
 tesfois iouir qu'en Idees, & par ef-
 perance de ce que nous possedons
 veritablement & en effect, qui faict
 que nous nous estimons d'autant
 plus heureux que sous vostre doux
 & pacifique regne, à l'ombre des
 Palmiers que ceste sage & grande
 meré a soigneusement cultiué, &
 tendrement arrousé: nous cueillons
 les fleurs d'amour, de paix & de mu-
 tuelle affection. Et verrons la face
 de nostre terre renouuелlee, tellemēt
 que nous ne nous en porterons nul-
 le enuie à ceux qui habitent la partie
 du monde, où l'on nous assure sou-
 fler le Zephir gracieux, que regne
 vn printemps perpetuel, où nul vent
 seditieux ne peut esleuer les vapeurs

pour esmouuoir les tempestes & l'orage.

Et ne faut point douter que sous ces palmiers, qui sont hieroglyphes de victoires, nous ne conceuions des desirs genereux, de les aller transplanter estant à vostre dextre, iusquaux lieux les plus auancez dans l'Orient, où vous commanderez de chanter des hymnes dûës aux conquestes glorieuses que vostre Majesté y fera, imitant en cela ceux qui l'ont deuancé, & qui par ce moyen se sont acquis vne louange immortelle. Là vostre Noblesse Françoisse, de laquelle celle de vos prouinces de Champagne & Brie, faict vne bonne partie, fera voir comme veritablement elle est composée de ce sang bien purifié, dans la plus noble & plus excelléte partie de vostre Estat; que son naturel plein de courage & de hardiesse, ne respire autre chose

que les combats & les assauts, qui ont pour obiect la gloire de son Dieu, & l'honneur de son Roy: puisque soub's le premier elle ne feroit sortir du centre de son Océant, pour recevoir son premier estre, & sans le second elle n'auroit l'estre complet, qui consiste en sa fidelité & en l'obeissance qu'elle doit à vostre Maiesté, se tenant obligée par vne recognoissance particuliere à la bonté diuine de l'auoir faict naistre pour seruir vn Roy si grand, & si puissant, & de qui les siècles futurs parleront avec estonnement, comme le nostre faict avec admiration de celuy qui vous a trassé le chemin pour nous conduire, ainsi que luy, dans le Palais sacré de l'immortalité.

L'esperance que nous auons (Sire) d'ouïr les acclamations faictes par la voix de vostre peuple pour l'vtilité qui procedera de cette sain-

ete resolution qui vous à pleu faire
sur le reſtaſſement de voſtre
Royaume, nous conuie à ſouhait-
ter de cœur & d'affection, d'en voir
bien toſt la bien-heureuſe fin, puis-
que de la doit proceder la grace
d'une nouuelle ſaincteté neceſſaire
au corps Eccleſiaſtic, ſortir ſur celuy
de voſtre Nobleſſe l'eſclat de ſon
ancienne ſplendeur, qui ſembloit
auoir eſté durant quelque temps
caché parmy le nuage des troubles
paſſés. Comme auſſi l'équité & la iu-
ſtice qui ſembloient auoir quitté
tout à faiſt leurs ſieges Fleurdeliſés à
l'iniuſtice, & à l'antiquité, regneront
avec la meſme authorité qu'on a veu
au temps que l'on venoit icy chercher
des ames, leſquelles par leur doctri-
ne, candeur, & ſincerité, s'eſtoient
renduës dignes arbitres de tout le
reſte du monde. Ainſi (Sire) apres
auoir faiſt voir voſtre Royaume

embelly par vne nouuelle naissan-
ce, nous verrons vostre M. occupee
non plus à reſtablir ſon heritage, ſi
bien reſtitué, mais à l'accroistre & l'a-
grandir des limites de ceux qui pro-
fanant nos autels, ont eſtably ty-
ranniquemet le croissant au lieu où
la ſeulle Croix de noſtre Sauueur
doibt glorieuſement triompher
ornee & parſemee de vos Fleurs de
Lys, pour l'exaltation & grandeur
deſquelles nous ſacrifions humble-
ment aux pieds de vostre Maieſté ce
ſang, ce courage, ce bras, ceſte eſpee
qui ſont vosſtres par voſtre naiſſan-
ce: & que nous preuuerons encores
eſtre veritablement vosſtres par a-
mour, affection & fidelité: amour,
affection, & fidelité, qui ne pour-
ront iamais eſtre affoiblies, ny par
les ſiecles, ny par la mort.

F I N.

